

Эврәннь кергән меддг күн

Павел Мукаев багъ наста тосхач. Беш тәвлгәнә кәдлмш нидн джилин июнь сарас авн эклдж кеджәнә. Болв, эн ахр цагин әргид шунмгъа кәвүн кәдлмшиннь аациг йир сәәнәр дасад, дамшлтта специалист болдж гарв. Павелин кесн кәдлмш күцәнъгъүстә болн тохнәта.

Өдгә цагт, хаджудан шин эклдж кәдлджәх улс дахулад, тоосх тәвлгәнә кәдлмш заадг урн күн болв. Шидр Мукаевин дасхсн гурви кәвүн бийснь тустан кәдлх нер зүүв.

Сәәнәр кәдлснә ашнь үрхш. Павелин кәдлмшиг үнләд, тосхлтин хойрдгч участк туристск путевкәр энүг мәрәлв.

Павел шидр эврәннь үүрмүдтәгъән Кавказ тал одад, ирв. Тедн тавн хонгин дунд 78 дууна газрт йовгъар йовад, Шауха гидг цонъх дәврәд, Эликән-су гидг голиг гатлад, Гаты-су гидг уулин хавчгар йовад, ик оln сәәхн, өврдмджтә газрмуд үзв. Йовдл зөвәр күнд бийнь, Павел үүрмүдтәгъән туристск цуг ноормиг күцәгъәд «Турист СССР» гидг значок зүүв.

Дакад тедн Нальчик; Пятигорск балгъсдин тосхлтин кәдлмшт түрүн нүүрт йовх тосхачнрла күүндәд, теднә кәдлмшин дамшлтла таньлдцхав.

Ода хәрү Элст балгъснурн ирсн, шинәс ик урмдтагъар кәдлмшән эклцхәв.

Павел эврәннь тосхлтин участкин ДОСААФ-н эклц организацин ахлач болсн деерән, бу халгъни кружок гардна, терүнднь — тәвнджирн күн орлцна.

— Би комсомолин арвн гурвдгч хург йөрәдж, өдр болгън даалгъвран хойр зун тәвн процент күцәдв. Мини белг тер — гидж Павел Мукаев келнә.

А. Балакаев.